



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Supplementband und Schluß des ganzen Werkes bis auf die Register

Riedel, Adolph Friedrich

Berlin, 1865

XII. Die Markgrafen Otto und Woldemar bestätigen dem Kloster Bukow
seine Rechte und Besitzungen, am 20. August 1308.

Nutzungsbedingungen

[urn:nbn:de:hbz:466:1-55834](https://nbn-resolving.org/urn:nbn:de:hbz:466:1-55834)

dinis, stagnis, piscaturis, lignis, pratis, pascuis, aquis, aquarum decursibus ceterisque omnibus bonis et Juribus, quibus ipse heydenricus ab ecclesia nostra ipsa bona pheedaliter possidebat, prefato Monasterio Cenne de vnanimi consensu nostri Capituli in Jus et proprietatis tytulum perpetuo contulimus possidendum pro permutacione proprietatis villarum Naunendorp, werbeke, Greuendorp, Katwitz et beyerftorp cum omnibus suis pertinenciis, in quibus villis dupliciter tot reddituum proprietates nobis ipsi Monachi de Cenne resignarunt, quam quot nos eis dimisimus in bonis supradictis, nisi forte hec eadem bona in redditibus per suum laborem et studium impofterum deo dante poterunt adaugere. Quas iam prenominatas villas pueri de Damys de manu et ecclesia nostra pheedaliter possidebunt. Testes huius nostre permutacionis et donacionis sunt dominus Geuehardus de lyndowe, dominus Otto de Brizna, Bernardus de Beliz, Cantor, heinricus de grunenberch et Geuehardus de Querenuorde, canonici ecclesie nostre, ceterique plurimi fidedigni. Vt autem nostra hec donacio eidem Monasterio perpetuo permaneat inconuulla, presentem paginam super hoc conscribi et sigillorum, nostri scilicet et nostri Capituli precepimus munimine roborari. In cuius permutacionis euidentiam dominus Abbas de Cenna et sigillum suum appendens vnum par litterarum de uerbo ad uerbum recepit nobis eiusdem tenoris alterum derelinquens. Datum Magdeburg, Anno domino M°. CCC septimo, XV kal. Nouembris, In die beati luce ewangeliste.

Aus dem sog. Liber S. Mauritii im Herzogl. Landes-Archive zu Bernburg f. 55 (Cop. IVa. f. 37 im Königl. Prov.-Archive zu Magdeburg).

XII. Die Markgrafen Otto und Woldemar bestätigen dem Kloster Bukow seine Rechte und Besitzungen, am 20. August 1308.

In nomine domini Amen. Otto et Woldemarus, dei gratia Brandenburgenses, Lufatie et de Landefbergk marchiones, Vniuersis Christi fidelibus notum esse volumus tam presentibus, quam futuris, quod nos pro remedio animarum nostrarum et dilectissimis fratribus nostris monasterii in Bucowe omnes possessiones ac libertates, quas laudabilis memorie Dominus Swantopolcus, Dux Pomeranorum, pro salute anime sue liberorumque suorumque Confirmamus et damus liberaliter omnia bona villasque, quas dicto claustro Buce memoratus Dominus Swantopolcus sui que filii, scilicet Dominus Mestwinus et Dominus Wartislaus, Duces Pomeranorum, et Dominus Barnim, Dux Slauorum, et Dominus Woitzlaus, illustris princeps Rugianorum, et alii fideles in remissionem peccaminum suorum successiue dederunt vel confirmauerunt, uidelicet villas cum terminis suis subnotatas etc. — Testes sunt Hinricus, Episcopus Caminensis, Dominus Fridericus, Episcopus Lubucensis, Dominus Swensa, palatinus in Stolpes, et Jalscko, filius suus, Dominus Ludolfus, Dominus Haslo, Dominus Wedege, dicti de Wedele, Dominus Lutke Glasenap, Dominus Vidande etc. Anno MCCCVIII, in die beati Bernhardi Abbatis.

Aus Beckmann's handschriftlichem Nachlasse.